

أبو... يحب أبنائه في كل الأحوال



ان جنحوا للسلم للسلم ميال
وان إجنحوا للعنف عنفه غبهم
سياسته تصعب على كل محتال
اهل الدسائس والحساسة طعهم
برمخ نخل الدم بالصدر شلال
والله معه وهل الخيانة لعنهم

عبدالرحمن بن ماجد الذويبي
الحرس الوطني

ولي عهد المملكة زار الأبطال
وعظامهم المدرس المفيد لوطنهم
ابوا يحب أبنائه في كل الأحوال
عبدالله اللي ظمهم وحتضنهم
على خطوط النار جاهم بالأقوال
وبان الولاء والحب منه ومنهم
قيادة تائق بها كل الأجيال
اللي مضاً ، والي بقاء مؤتمنهم
قيادة يظهر بها جل الأمثال
وليا سألنا سايلا قال منهم
نقول له زعيمنا ماضي الأفعال
صقر الجزيرة بعد الجهل عنهم
عبدالعزيز الى عن الخصم ماسال
صوت لهم بالشرع وابل ضمنهم
وسعود محمود السجايا والأعمال
على الولاء والدين شعبه نهمهم
وفصل صليب الرأي للعسر حلال
الشعب عن نكبات فقره ظمهم
ذلل قويات المشاكل تذلال
بخطة خاسيه تومن سكنهم
درس جوانبها على كل الأشكال
ورسنى قواعدها لمن عاش منهم
وخالد وحكمه عز وسرور وقبال
أبو يحب الشعب ما مل منهم
راحو وخلوها لخلال فتال
فهد وعدوان الشريعة دفنهم

يا ملكنا وطننا عندنا غالي
نرخص الروح والأموال من دونه
كان لزمنا وصنل حرب وقتنا
له رجال حياض الموت يردونه
لوفنى جيل يظهر عقبه اجيالي
الحرابي لك الله ما يملونه
دون عوراتهم رجل وخيالي
لا ومرتوا طريق الحرب يمشونه
الحرابي لنا باول وبالتالي
كم عدو يهون ونلطم إعيونه
كان صدام جاهل جاه جهال
لا غوى الدرب به ناس يردونه
فعل صدام فعل إجنون وهيالي
يشهد الله وخلق الله على إجنونه
ما نفرط بدار ظل وظلاي
يفزع الحي والميت يدفنونه
ما رضى بالمذلة كل رجالي
والجزاء سنة للناس مسنونه
يوم هو عاقل والناس عقالي
واقفين إبحاه ومال يعطونه
ساندينه ثمان إسنين بالميالي
كل ما غاض ما عونه إيملونه
ذا جزء فعلنا يا نذل الأنذالي
غزوا جيران وعراض تهتكونه
ما خبر باول الدنيا وبالتالي
وصمة العار للأجيال يقرونه
يا بوفصل بلطم الخصم لا تبالي
أديه هو ومثله لا تحنونه
ما نبي صلح برهن له بالأفعال
لا قطع رأس ما عضتك سنونه
ضربة عقبها لك عز وإجلالي
ما تسولهم انفسهم يعودونه
والكلاب الخيانة عوج الأذيالي
اقطع السبل عنهم لا يذوقونه
من عطايك لبسوا بشت وعقالي
ما خفي الناس معروف إتسوونه
كل كلب نبح حذو على الجالي
حط له حربة بالخلق مسنونه
بانو إعداك وبان الصاحب الغالي
كل اعطه يا بوفصل بما عونه

ناصر عبدالله المسييري
الرس

عنون الخيانة



غدبت مثل التي وقع بين الاثنين
ما بين نار وغار مختل الأفكار
وضعت نفسك بالغبى بين فكين
وبالحق تسقيك الدول كأس الأمرار
لكن ترانا للقاء مستعدين
والدار بالطاغوت ما نبيعه بدار
نارد حياض الموت في خاطر زين
والمملكة نرخص لها غال الأعمار
عن لسها ندهر جميع العاديين
عذرا نظيفة عرض عن لس الأشرار
في ظل قايدنا الفهد مستظلين
حامسي حمى البيتين عن كل كفار
واخوانه اعوانه شيوخ وسلطين
درع البلاد وعزها بين الأقطار
وحنا لهم تحت الأوامر مطيعين
نمشي بأوامرهم ولا ندرا الأخطار
نفديهم الأرواح بالعسر واللين
عاشوا حرار ودارهم بكر الاحرار
وبقوة الاسلام حنا قوين
بتوفيق رب عالم كل ما صار
الله واكبر فوق روس الشياطين
الي جزوا فعل الصساتي بالانكار
وعلى الذي جاء خاتم النبيين
صلاة ربي عد عمال الأمطار

شايح بن شاهر الحربي
بريدة

صدام جاء اسمك للخيانة عنارون
تعطي الوعد واترك بالاعاد مكار
يا خاين الامة ويا خاين الدين
ويا خاين شعبك مع خيانة الجار
يا مخالف سلم العرب والقوانين
يا محارب الاسلام يا مشعل النار
مع ايران شبيبت الحرابي لك سنين
ومعك وقفنا وقفه ما بها عار
اسنين ثمان وكل ابوها وفينين
نعطيك ما تطلب بلا حساب واعيار
لك ارتكينا في جميع الميادين
لين انتصرت وفرجن عنك الاقدار
وجازيتنا يا بارد القلب والعين
يسلب الكويت التي هله فيكم ابرار
دولة سلام وفعلها له براهين
عانت من الوقفة معك شتى الأضرار
غزيتها غزوا بلا اهداف اتبين
وخلبت شعب كامل ماله اديار
وترملت تسوانها والوراعين
ايتمتهم عسى الفلك فيك يندار
يا مدعي تحرير دولة فلسطين
وانته جبان وللغرب صرت غدار
وعلى حدود المملكة قمت ياشين
تحشد جيوشك ياسود الوجه مختار

للفهد .. تخضع

يقول فيصل.. للفهد تخضع اسود
خادم بيوت الله فهد الجزيرة
بالحلم والحكمة وصل كل مقصود
عاش الملك للمملكة والمسيرة
مسيرة التوحيد والنصر مأكود
خطتك يا صدام خطة حقيره
حظك ردي طمعت في درب مسدود
يالقايد المغرور يا أعمى البصيره
خذت الصباح اهل المواجب والجود
ياالخاين مالك معرفة وجيره
لا تحسبك بالغبى فايد فود
والله ولا مثقال حبة شميره
غزو الكويت الي بالاكره مقبود
ما اظن يا صدام تجهل مصيره
جيش العراق الي مني خلف مقبود
الي خلص من جار بدى بغيره
من الثمان سنين مكسبك منقود
لشعب العراق وجيشه الي نذيره
فقد شباب وضاع بالحرب مجهود
كل العراق والخسارة كبيرة
والجيش يا صدام ضباط وجنود
علق وسام العار حتى وزيره
تستاهل الاعدام والسيف مجرود
لقطع راسك في جرائم كثيرة

فيصل علي سلطان الجبر الرشيد

كلنا.. عند اللزوم

يا ملكنا كلنا عند اللزوم
دون عز الدار نرخص بالعمار
مانهاب الموت يالاب الرحموم
ومن يهاب الموت عساه الدمار
الوطن له حق والحق معلوم
ما يدنس تربته ولد الحمار
الوفاة اخير من قول مهزوم
الوفاة بخدمته عز وفخار
يايعين الروح بيعة من يسوم
والنمن معروف بارود ونار
الوطن بحصاة شجيمان فروم
ما تحسب للكبار مع الصغار
فاهمينا بالدفاع وبالهجوم
ولهم التاريخ يشهد بانتصار
ما تسع في الهذاري والصلوم
ما يهم الذئب تخوير البقار
الحرس والجيش والقوة عموم
تحرسك يا عز باخير الديار
لو يبسي له منك ذرات محروم
ما يطب حنك خوان الجوار
صابرين في براك والسموم
ولا تنلس دون واجبنا عذار

منصور الرقاص العتيبي

ما همنا تهديدك

لا لا تهدد بالكيماري والأقوال
ما همنا تهديدك الله يهدك
تحشد على حدك صواريخ ورجال
ومدركات وطائرات تصدك
عليك يا هناك الاعراض تنهال
تضربك يا خاين وطنك وتردك
غدرت بالي خففوا عنك الانتقال
الي طوال سنين حريك تمدك
وعضيت يد قدمت بيمك المال
وطعنك من يشفق عليك ويسودك
والله لتزلزل بك الأرض زلزال
ونا لنلحقك الخسائر بجندك
ونا لنشعلها لبغدادك اشعال
من عندنا تضرب صواريخ عندك
نار ولهب دخانها كنهه جبال
نيران من كل الجوانب تحدك
ترا وطننا واقف دونه عيال
متسلحين بطاعة الرب ضدك

ما تنهزم قدام خاين ومحتال
نوقفك بالعتدي عند حدك
ما تدخل وبقا على الأرض رجال
لو تعدي والله لنلحقك جدك
نقبل على الخدمة يا بوفصل اقبال
امر وحنا كلنا تحت يدك

مشعل ضيف الله القشعان
ساجر